

Broj: 01-02-3-1158/16  
Sarajevo, 01.06.2016. godine

**Z A P I S N I K**  
**12. VANREDNE SJEDNICE PREDSTAVNIČKOG DOMA PARLAMENTA**  
**FEDERACIJE BIH, održane 30.05.2016. godine**

Sjednica je počela u 12.27.

Sjednici je predsjedavao predsjedavajući Predstavničkog doma Parlamenta Federacije BiH Edin Mušić.

Predsjedavajući Mušić pozdravio je zastupnice i zastupnike, predsjednika i potpredsjednika Federacije BiH, članove Vlade Federacije BiH, Međunarodne zajednice, kao i predstavnike akreditiranih medijskih kuća koji prate rad sjednice.

Odsustvo sa sjednice opravdali su: Belma Pojskić, Radoslav Luburić, Hajrudin Havić, Mira Ljubijankić, Vjekoslav Bakula i ministar Zoran Vujanović.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Sa 56 glasova za, uz 19 glasova protiv i uz tri uzdržana glasa, usvojeno je da se Prijedlog Zakona o izmjenama i dopunama Zakona o izvršnom postupku razmatra po hitnom postupku.

Sa 55 glasova za, uz 20 glasova protiv i uz sedam uzdržanih glasova, usvojen je sljedeći:

**D N E V N I R E D**

1. Prijedlog Zakona o izmjenama i dopunama Zakona o izvršnom postupku – hitni postupak,
2. Prijedlog Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom.

**1. Prijedlog Zakona o izmjenama i dopunama Zakona o izvršnom postupku – hitni postupak**

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dao je ministar Mato Jozić.

U raspravi su učestvovali: Elvir Karajbić, Davor Vuletić, Faruk Ćupina, Nermin Nikšić, Jasmina Zubić i Nasir Beganović.

Mirza Ganić podnio je jedan amandman (na član 2.) na ovaj prijedlog Zakona.

Predsjedavajući je dao kratku pauzu 20 minuta kako bi Zakonodavno-pravna komisija i Odbor za pravdu i opću upravu dali mišljenje o amandmanu Mirze Ganića.

Nakon pauze, Boris Barun je, u ime Zakonodavno-pravne komsije, kazao da je Komisija dala negativno mišljenje o amandmanu.

Odbor za pravdu i opću upravu pisanim putem negativno se izjasnio o amandmanu.

Ministar Jozić kazao je da Vlada ne prihvata predloženi amandman.

Zastupnik Mirza Ganić tražio je da se zastupnici izjasne o amandmanu, koji nije usvojen (pet glasova za, 24 glasa protiv i 48 uzdržanih glasova).

Nakon glasanja, Damir Mašić je, u ime Kluba zastupnika SDP, izrazio sumnju u rezultate glasanja te je, na osnovu pojedinačnog izjašnjanja, sa 54 glasa za, uz 21 glas protiv i uz pet uzdržanih glasova, usvojen Prijedlog Zakona o izmjenama i dopunama Zakona o izvršnom postupku.

## **2. Prijedlog Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom**

Prijedlog Zakona utvrdila je Vlada Federacije BiH.

Prijedlog Zakona razmatrala su nadležna radna tijela i dostavila izvještaje.

U ime Vlade Federacije BiH dodatno obrazloženje dao je ministar Vesko Drljača.

Jasmina Zubić podnijela je jedan amandman na član 3., dodatni član 79b. stav 2. koji Vlada Federacije BiH nije prihvatila.

U raspravi su učestvovali Alma Kratina, Faruk Ćupina i Jasmina Zubić.

Zastupnica Jasmina Zubić tražila je da se zastupnici izjasne o amandmanu, koji nije usvojen (27 glasova za, 13 glasova protiv i 37 uzdržanih glasova).

Sa 54 glasa za, uz 19 glasova protiv i uz sedam uzdržanih glasova, usvojen je Prijedlog Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštite porodice sa djecom.

Predsjedavajući je zaključio rad 12. vanredne sjednice u 14.40.

Transkript i prijepis transkripta sjednice čine sastavni dio Zapisnika.

v. d. SEKRETARA  
PREDSTAVNIČKOG DOMA  
PARLAMENTA FEDERACIJE BIH

Stela Ibrović

PREDSJEDAVAJUĆI  
PREDSTAVNIČKOG DOMA  
PARLAMENTA FEDERACIJE BIH

Edin Mušić